



Na osnovu člana 37. stav (3) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26) i člana 6. Odluke o kriterijima i postupku dodjele sredstava odobrenih u Budžetu Unsko-sanskog kantona putem Vlade Unsko-sanskog kantona, broj: 03-02-44-717/2026 od 11.6.2026. godine, objavljuje se

JAVNI POZIV

za dodjelu sredstava neprofitnim organizacijama za refundiranje i finansiranje/sufinansiranje projekata iz Budžeta Unsko-sanskog kantona za 2026. godinu

Predmet Javnog poziva

Prikupljanje zahtjeva neprofitnih organizacija za dodjelu sredstava za refundiranje i finansiranje/sufinansiranje projekata od značaja za rad istih, s posebnim osvrtom na projekte od značaja za Unsko-sanski kanton i Bosnu i Hercegovinu iz Budžeta Unsko-sanskog kantona sa pozicije budžetskog korisnika Vlada Unsko-sanskog kantona.

Uslovi

Neprofitne organizacije koje se kandiduju za dodjelu sredstava po ovom Javnom pozivu moraju da ispunjavaju slijedeće uslove:

- da su upisane u Registar u Ministarstvu pravosuđa i uprave Unsko-sanskog kantona, Ministarstva pravde Federacije Bosne i Hercegovine ili Ministarstva pravde Bosne i Hercegovine ili Ministarstvu pravde Republike Srpske
- da su izvršili poreznu registraciju do dana objave javnog poziva;
- da imaju ugovor sa bankom o otvorenom transakcijskom računu;
- da se nalaze na listi neprofitnih organizacija čiji izvještaji o namjenskom utrošku sredstava za 2025. godinu su prihvaćeni od strane Vlade Unsko-sanskog kantona (odnosi se na organizacije koje su bile korisnice sredstava po javnom pozivu iz 2025. godine)

Dokumentacija

Neprofitne organizacije koje apliciraju na Javni poziv obavezne su dostaviti sljedeću dokumentaciju:

- Prijavni obrazac (Obrazac I) dostupan na web stranici Vlade Unsko-sanskog kantona (www.vladausk.ba), popunjen, potpisan i ovjeren od podnosioca zahtjeva,
- Izjava podnosioca prijave o saglasnosti za obradu ličnih podataka (Obrazac II), potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba),
- Aktuelni izvod iz registra udruženja (original ili ovjerena fotokopija),
- Uvjerenje o poreskoj registraciji – identifikacioni broj (ovjerena fotokopija),
- Ugovor sa bankom o otvaranju transakcionog računa,

- f) Program rada za tekuću 2026. godinu s obrazloženjem, potpisan od ovlaštenog lica i ovjeren pečatom neprofitne organizacije,
- g) Finansijski plan za tekuću 2026. godinu potpisan od ovlaštenog lica i ovjeren pečatom neprofitne organizacije,
- h) Fakture, fiskalne račune, ugovore i dr. (ovjereni kod nadležnog gradskog/općinskog organa ili notara), dokaze o uplati (izvod iz banke) i fotodokumentaciju o realiziranim aktivnostima **dostavljaju se uz prijave kojima se zahtjeva refundiranje troškova.**

Javni poziv ostaje otvoren 20 dana od dana objave na web stranici Vlade Unsko-sanskog kantona, odnosno od 23.6.2026. godine do 13.7.2026. godine.

Prijava na Javni poziv sa naprijed traženom dokumentacijom podnosi se neposredno putem pošte u zatvorenoj koverti sa naznakom "Prijava na Javni poziv za dodjelu sredstava neprofitnim organizacijama za refundiranje i finansiranje/sufinansiranje projekata značajnih za Unsko-sanski kanton - NE OTVARAJ", na adresu Vlada Unsko-sanskog kantona, ul. Alije Đerzeleza broj 2, 77000 Bihać ili neposredno na Pisarnici Vlade Unsko-sanskog kantona. Na poledini koverta obavezno navesti podatke o aplikantu (naziv i adresa).

Nepotpune, neblagovremene i neuredne prijave neće se razmatrati.

Napomena

Komisija zadržava pravo da kontaktira aplikante u slučaju potrebe za dodatnim pojašnjenjima i dokumentacijom.

Broj: 03/1-11-7751-1/26
Bihać, 23.06.2026.

